

PROSPERANTE JEHOVAH!

De

CANE RHE- TORICO, DISSERTATIO

Quam

Consensu Ampliss: Facult: Philos.
Regie ad Auram Academia,

PRÆSIDE
VIRO AMPLISSIMO

M. CHRISTIERN A L A N D R O,

Eloq*v.* Profess*.C*elebratissimo,

Die 20 Januarii, Anno 1704.

horisque solitis

Bonorum omnium censure modeste submittit

Exercitii Gratia

CHRISTIANUS WALSTENIUS

Borea - Finl.

Exc. Jo. WAL.

J.C. Mag: Larai: Saccerensis

Онажды в
Сибири
был старец
святой Ефимий.
Он был
человеком
смиренным
и любящим
бога.

SACRÆ REGIÆ MAJESTATI
MAXIME FIDO VIRO,
REVERENDISSIMO IN CHRISTO
PATRI AC DOMINO.

DN. JOHANNI
GEZELIO,

S.S. Theologiæ DOCTORI
Consummatissimo;

Diœcesios Aboënsis EPISCOPO
Longè Dignissimo;

Regiæ ibidem Academiæ
PRO-CANCELLARIO eminentissimo,
Et Venerandi Consistorii Ecclesiastici
PRÆSIDI Gravissimo;
MÆCENATI
meo
Maximo.

MULTOS ANNOS ET MITIA FATA!

Audacissimum me facinus ag-
gressum esse fateor, cum No-
men REVERENDISSIMÆ
VEST: PATERNITATIS
huic meo opusculo inscribere ausim,
ad qvod faciendum memoria per-
plurimorum prius in Parentes meos
collatorum beneficiorum me indu-
xit, non ut eo ipso demererer illa,
sed ut devotæ observantiae gratique
animi pignus offerrem. Cumulus
scilicet tantorum beneficiorum cum
a me nunquam debitum efferrari laudi-
bus, multoque minus compensari
queat, ea qva par est reverentia sub-
missæ oro & obtestor, velit REVE-
RENDISS: VEST: PATERNITAS
primum tyrocinii mei rudimentum,
qvod in subiectissimi animi pignus,
humilima veneratione offero, placi-
da faciei temperie fulcipere. San-
ctissimum porro Numen calidissimis
suspiciis pro diuturna VESTRÆ PA-
TERNITATIS incolumitate, invo-
ca-

care nunquam cessabo, velit REVERENDISS: VEST: PATERNIT: diutissime in hisce terris incolorem, & ab omni malo conservare immunitem, in rei literariæ emolumen-tum, grande decus patriæ, Amplissimæ ac Nobilissimæ Familiæ gau-dium perenne, & mihi aliisque suis servis humilimis Patronum & Promotorem Magnum, qvod devoto vovet pectore.

REVERENDISSIMÆ VESTRÆ
PATERNITATIS

Cliens observantif-simus

Christ. Walstenius.

*Nobilissimo, Pl. Reverendis, Cla
Patronis, Patri, Fautoribus &*

DN. JOHAN: WALLENSTEEN,
Judici territoriali Halikoënsium &
Piickensium æqvissimo, Patruo ac
Fautori multis nominibus æstuma-
tissimo, summo perpetim reverentiæ
zelo ætatem suspiciendo.

DN. M. HAQVINO VIRMOENS
Pastori Ecclesiæ Wirmoensis vigi-
lantissimo, vicinarum Ecclesiarum
Præposito accuratissimo, Patrono &
Evergetæ omni oblervantiaæ cultu
semper venerando.

DN. MICHAELI BRUNDZSI
Pastori in Nykyrkia dignissimo co-
gnatione parenti meo conjunctissi-
mo, fautori sincera mente colendo.

SALUTEM ET

*vissimis & Doctissimis Dominis
Benefactoribus propensissimis,*

DN. M. CHRIST: WALSTENIO,
Pastori in Wehmo meritissimo, di-
strictus adjacentis Præposito gra-
vissimo, Patri meo benignissimo, fi-
lialibus obsequiis æternum prole-
quendo.

DN. M. ANDREÆ BERGIO,
Præposito & Pastori in Tössala so-
lertissimo, sanguinis coniunctione &
benevolentia devinctissimo, benefa-
ctori summa animi submissione in-
desinenter venerando.

DN. JACOBO WALSTENIO,
Curiæ Aboensis Assessori per-
industrio, Patruo perpetim hono-
rando.

QVÆVIS FAUSTA.

C.P. W.

Licet justæ compensationis occasio non ad-
sit, ingratus tamen jam audirem, si spe-
cimen bocce depositurus, vestra paterer si-
lere beneficia. Hoc vero scio & ultro agnoscō,
quod munus meum cum offero Vestre ma-
xime indigas sim venie & facilitatis quam-
ebrem illud simul venio excusatum, quod
utpote tam exiguum est, ut ne Vestre bene-
ficiantia nec meæ devotionis justus interpres
esse possit; que enim in me contulisti bona,
Tu præsertim Pater Optime & propensissime,
diligens cogitatio recordari nequit, multo mi-
nus verba exprimere valent, cuncta tamen
devotus & gratus estimat affectus, vobisque
ita sum devinctus ut nemo possit esse ma-
gis: de cetero totus in religiosum convertor
cultum, velit D.T.O.M. qui largissimus est
remunerator Vos multa benedictione donatos
longa sustentare vita!

VOBIS ad obseqvia

paratissimus

Ch. W.



MEMBRUM PRIMUM.

§. I.



T plus favet invidia rebus
fondidis, & in obscuro de-
missis, qvam pulcherrimis
& in excelso positis,
ita præpostero partium
pariter studio, eruditorum lustrat
scripta invidus oculus, qvæ utpote tam
rarum est sinistram effugere censuram,
qvam corpus umbra in aprico destitui;
non enim contentus est malignus hic vir-
tutis comes tacitis indulgere malis: sed
erumpit ut plurimum in mordaces ca-
lumnias & obrectationes, tantum de-
coris polliceri audens suis, quantum ipse
aliis detrahere valet. Quapropter seriis
qvasi intenti rebus, homines tam mole-
stè seduli omnes ingenii sui vires ad su-
gillandum & inflammandum aliorum scri-
pta conferunt. Eorum est hæc indu-

A

stria

stria, qvi infra virilis sapientiae decus sapiunt, & debito non perpendunt studio, iis, qvi veritatis cupidi, pro viribus suis rei literariæ prodesse studuerint, gratias deberi, & si rem acu non tetigerint, aut qvo in loco lapsi sint, ignoscendum humanæ infirmitati in communi culpa. Errare enim huma-
num est, nec vituperio statim dignus, qvi in multis se gesserit strenue, si in u-
no deficit. Sed hos falsæ spe gloriæ du-
etos (ubi virtutis deest commercium) ea delectare vita videtur, qvam notabilis etiam infamia celebrat. Tam insanâ calumniandi protervia infames omnis ævi temporibus viguere, qvos latrans magis qvam mordax antesignani loco ducit canis ille Rheticus, qvo nomine magno suo merito insignitur Zoilus, qvi prodigioso calumniandi ingenio eos styli intemperie non erubuit impugnare, qvo-
rum scripta solertiæ & eruditionis plena, eruditio semper orbi ad admirationem usque placuerant: imo eos ausus est ma-
ligno arrodere dente, cum qvibus nec in-

ingenio nec studio neque usu & cognitione rerum, ulla ex parte comparandus erat. Absit longè livor, acerbitas, impudentia, & dicacitas scurrilis, in quibus princeps celebrari, neutiquam ingenui hominis officium puto; nam candoris etiam ineruditus sua est apud omnes laus; malignitatis vero vel eruditissimæ vituperatio certa. Bonorum itaque omnium suffragio, odio & vituperio dignus censetur, qui aliis tam molestus esse voluit; mihi autem imprætentiarum quâ nomen, mores & habitum breviter delineandus est Canis ille Rheticus.

§. II.

Instituto nostro maxime prodest ea sequi, quæ ad hujus rei expositionem nutu & suffragio priscorum Auctorum sustuntur, ne auctu nostro aliqua injuriâ ipsum onerasse videamus; imprimis ductum Ælianî sequemur, qui præter ansam quam suppeditat, perfectum etiam ejus characterem exhibet. Quod ad nomen attinet è suscepto auctore di-

dicitur Zoilus, à ζωή vitâ, quasi vivus
& vegetus, adeoque non δυσάνυμος. Qua-
lis Ajax perhibetur apud Sophoclem,
quod compositum esset ejus nomen
cum particula ἀ· dolorifica unde etiam
verbum, ἀλλαγει λamentari. Tale quid
de Juliano traditum est, sic enim Scho-
liaistes Græcus: δυσάνυμος καὶ τὸ ὄνομα ἐπαχ-
θῶς, οἱ ἀνθρώποι δέκουται διὰ τὸ μῆσος ὅπερ
ἔκεστι πρὸς αὐτὸν, καθό λέγεται δυσάνυμος
οἱ Ἰάλιανοι utique propter interjectionem
'Is quæ significat heu: ubi simul disci-
mus quid sit δυσάνυμος. Tales apud Ro-
manos Minucius, Plancus, Furius &c.
Ingenium nactus est mirâ dexteritate
vividum, adque res magnas promptum
& acutum, tantas vero naturæ dotes,
quas in veritatis incrementum diligens
probaque acuere debuisset industria, ca-
lumniandi procacitas fœdavit. Unde
commune deinceps hoc factum est no-
men omnibus qui ejus insistunt vesti-
glis, non secus ac Gnathonici dicti sunt,
parasiti & assentatores, à communi suo
Magistro Gnathone.

Homeromastix alias dicitur, id est Homeri flagellator seu calumniator, μάστιξ enim i cutica flagellum vel flagrum à μαστίξω vel μαστίξῳ flagello. Hoc ipsum nomen non minus quam Zoilus omnibus Doctorum virorum calumniatoribus competit: hoc spectat illud Ovidii

*Ingenium magni levor detrectat Homeris
Quisquis es ex illo Zoile nomen habes.*

Locum natalem fortitus est Amphipolim, urbem Macedoniae sic dictam, quod vel ædes à se invicem dispersæ amplum terræ spatium ambitu suo amplexæ sint, vel quod celeberrimus fluvius strymon, qui Traciam à Macedonia dirimit, illam interluerit. Meminit noster auctor gemini Polycratis, idem enim erat nomen Samiorum Tyranno, quem fortuna cumulata multorum annorum ad invidiam usque felicitate, eo fœdus tandem fecellit, cuius Val: Max: de mutatione fortunæ mentionem facit. Erat & Polycrata fœmina, quæ

quæ insperato & nimis proinde effuso
extincta est gaudio: apud Gell: libr: 3.
c. 15. sed fuit Polycrates, quem auctor
noster Zoilo designat Præceptorem,
Rhetor & Sophista. Utraque hæc ars
quā instructus erat, ad contentionem
& pervicaciam proclivis, malitiam ejus
multum juvit & auxit, quam seditioso
ingenio & rixoso instillare, res tam ple-
na est periculi quam gladium in ma-
num furentis dare.

§. IV.

Nemo itaque miretur Zoilum tam
promtum egisse obtrectatorem, cu-
jus incauta statim ætas in Schola tam
morosi Magistri erudiebatur, ubi argu-
ebatur saepius fictis criminibus innocen-
tium virorum fama, quam seria & sa-
na tradebatur doctrina. Huic enim
Polycrati quam perdite arsit animus
ad reprehendenda dicta & facta inno-
centium virorum, luculentissime exinde
constabit, quod Socratem sustinuit mo-
lestis aggredi scriptis, quem maximè
com-

commendabat *integritas* *vitæ* studiique
 elegantia, non enim contentus ipse ultra
 vitia resiliisse, sed aliorum vitiis corri-
 gendis sedulus semper advigilabat, teste
 namque Laërtio in ejus vita, primus E-
 thicen introduxit, & publice eam do-
 cuit, adeoque ut non tantum totius Græ-
 ciæ judicio, sed etiam omnium erudi-
 torum testimonio, prudentia, acumine, &
 venustate cunctis antisteterit, etiam o-
 raculo Pythiæ mortalium unus Socrates
 vere sapere judicatus, ut scribit Laërti-
 us Lib. 2 de vitiis clarorum virorum, qua-
 re falsæ & iniquæ invidiæ tempestatem,
 bene sibi conscius, quam par erat ægri-
 us non tulit, nam vilia hujusmodi in-
 genia contempsit simul & risit ultro. Sic
 nuntianti quendam ipsum maledictis in-
 cessere: *Bene inquit, is loqui non didicit,*
fibi autem expedire eadem siquidem ea dixe-
rint, quæ in nobis corrigenda sint, emenda-
bunt, si alias nihil ad nos. Sic etiam Epi-
 cetus docuit occurrentum maledictis
 sc: dicendo: ἀδει πρὸς με. Sophistas et-
 iam solitus est vanitatis arguere, & ultro

laceſſere, unde Euclidem qui in judiciis pro ſophiſtis cauſam ſæpiſſime dixit, ſic alloquitur. *O Euclides, Sophiſtis quidem uti poteris, hominibus non poteris.* Inutile & turpe duxit hiſce operam dare, qua- propter & illi collatis conſiliis & viribus ipfius inſidiabantur exiſtimationi, ſed fruſtra ſubornabant lemel quendam So- phiſtam nomine Aristophanem, qui ad obtreſtantum proclivis, tutilis nugator, & admodum riſiculus erat, hic cum iſum fictis calumniis & convitiis pro- ſcindere cœpit, iſi oportuno loco de in- duſtria cum federet, inter ſuſurrum & murmur quærerentium & interroganti- um quis ille Socrates eſſet, qui in Co- mœdiis tradiſebarat ſurrexit inſuper ut ſtans poſſet cerni. Scriperat etiam idem Sophiſta Polycrates, quo uſus eſt Zoilus præceptore orationem in- veſtitiam in Socratem, ut dicit La- ērtius in vita Socratis, & pro fir- manda aſſertione ſua Hermippum ci- tat teſtem.

§. V.

Quam sequax fuerat discipulus Zoi-
lus facile erit judicatu ex pari ob-
trectandi studio, quo & ipse adeo de-
lectatus est, ut contra viros vitæ inno-
centis & solidæ eruditionis laude ma-
xime conspicuos petulanter scriberet:
imprimis calumnias & temeritatem ver-
borum in Platonem jaculatus est, qui ut
ingenio doctrinæ fertuissimo; ita unicæ
veritatis studiosus, ejusque colendæ mor-
talibus sincerus auctor fuit: unde Cice-
ro eum Deum Philosophorum appellat,
quo cum errare se malle affirmat, quam
cum aliis verum dicere: omnem suam
doctrinam promta admodum sermonis
elegantia ornavit, adeo ut sapientissimus
baberetur, eo quidem usque, ut si Jupiter ē
cælo descendisset, nec elegantiori nec beatiori
facundia usurpus videretur teste Val: Max:
de studio & industria, pro captu suo
gentili sic loquente. Quare etiam ar-
tium liberalium amantes nullius magis

quam ejus audiendi cupidi, Athenas
catervatim petebant. Pari mala dicendi
procacitate ferebatur in Homerum, cu-
jus ingenii vigorem antiquissimis tem-
poribus tanti fecit bonus quisque ut ma-
ximus sine exemplo haberetur, imo u-
nus Poëta vocari meruerit ob eximi-
um carminum fulgorem. Scribit enim
Ælianus Lib. 8. 22. *Quod Galaton Pictor
Homerum finxit evomentem, reliquos vero Po-
ëtas ea que ipse evomuisse haerientes.* Unde
septem quondam civitates fuerunt, qua-
rum unaquæque apud se natum esse cer-
tatum contendebant, has Marchus Varro
Lib. 1 de imaginibus hoc disticho com-
prehendit.

*Ἐπτα πόλεις διερίζονται πρὸς οἴζαν Ομῆρος,
Σμύρνα, Ρόδος Χόλοφων, Σάλαμις, Ίος Ἀργος
Ἄθηναι.*

Apion manes evocavit Homeri, Famo-
sus ille Grammaticus cui turpe fuit vel
minimum nescire ex iis, utique à dæ-
mone, qua patria esset oriundus Ho-
merus, sciscitus est, quodarguit uti-
que

que non populariter illum de Homero sensisse. Adversus tantos viros Zoilus ealumniandi insolentiam exercuit, celebris futurus more hominum, quibus virtutis studiis difficile cum innotescere videtur; falsæ gloriæ affectu inflammati, maleficiis claritatem nominis consequi conantur. Sic Pausanias percontatus Hermoclem, quonam modo clarum & immortale sibi nomen pararet, responsum accepit, Illustrem aliquem virum si occidisset, futurum ut gloria ejus ad ipsum redundaret: comprobat id rei experientia, statim enim Philippum Regem Macedonum obtruncavit, indeque æternam impetrauit memoriam. Zoilus, huic Juveni tam gloriæ cupido perquam similis, labores suos minime silentio oblitterari existimabat, si stylum adversus magnos viros stringeret, quid refert enim, quomodo impetas alium, ferro an stylo, ubi animus est idem, & plerumque lingua plus lædis quam gladio: ferro corpus modo fau-

saucias, lingua vero etiam animam.
 Sit jam Zoilus (qui non tam na-
 turæ instinctu, quam Præceptorum vi-
 tio hausit maledicentiam) mortalibus
 manifestum documentum, quanti inter
 est bonos eligere liberis Præceptores,
 cum idem studium cui affliverit pue-
 ritia, reliqua continuet ætas: toti itaque
 vitæ exinde redundat pernicies, quan-
 do ætatem tenellam instituendi cura
 malis demandatur Magistris, ad Præ-
 ceptoris enim exemplum vitam & mo-
 res componere seduli est discipuli non
 secus ac frutices & tenues stirpes agri-
 colæ obtemperant & curvantis manum
 facile in diversos flexus seqvuntur, ubi
 vero inveteratus curvor obduxerit cal-
 lum, prius fregeris arborem, quam ad
 pristinam retorseris rectitudinem. Pari
 prorsus modo ubi incauta juventus au-
 dit crebris calumniis obteri ab iis (qui-
 bus parere sui interest) dicta & facta
 innocentium, facile incitatur ad idem
 vitium, & obfirmato ad calumniandum

animo, ita perseverat, ut vix ullus amplius correctioni relinquatur locus, quod intendisse videtur Cicero Orat. 2. pro sexto Roſe: *Cum omnibus horis aliquid atrociter fieri videnties aut audimus, etiam qui natura mitissimi sumus, affiduitate molestiarum sensum omnem humanitatis omittimus.* Memorabile valde est quod de se refert Plinius Junior: videlicet ex malorum caſuum & criminum quotidiano examine & recognitione ſe metuere ne quid mali imbibat. Tanta vis eſt ſcilicet in viſu consuetudine & audi-
 tione. Natura autem hominis corrupta ut ad alia vitia ita ad hoc etiam proclivis videtur, quod innuit Porcius Cato in Orat: sua ad Cæſarem de ordinanda republica: *ad reprehendenda aliena dicta & facta ardet omnibus animis*, itaque curæ cordique ſit parentibus aut quibuscumque qui eorum ſunt loco, ut juventutis instituendi cu-ram credant expertæ virtutis & mo-destiæ magistris, ne ſua culpa iſpis ac-
 ci-

cidat quidquam, quod in Zoilo damnat
quisvis homo prudens.

MEMBRUM SECUNDUM.

Jam ulteriorem Argumenti nostri expositionem daturi, lustrabimus paucisper cognomen & habitum Zoili. Quod ad cognomen attinet, dicitur ab Auctore nostro **Canis Rheticus**; frequens hujus nominis usus est in historia tam sacra quam profana, & proinde varia ejus notatio lustranda occurrit, non intelligitur hoc loco animal illud latrans, quod hominibus fidelitate, custodia & vigiliis varie servit, pro ut significat apud Svetonium cap. 5, de Vespasiano: *Prandente eo quondam canis extrarius e' tri-
vio manum humanam intulit mensaque sub-
jecit, usurpatur non raro nomen canis
in illius contemptum, qui plus verbis
promittit, quam re ipsâ potest præsta-
re, ut apud Terentium Eun. Aet: 4.
Sen. 7. ubi Chremes alloquitur Gnatho-*
nem:

nem: diminuam ego caput tuum bodie nisi
 abieris: cui respondit Gnato: an vero canis?
 canem timidum vehementius latrare quam
 mordere dicit Curtius Lib. 7. cap. 4. Da-
 vid etiam ut extenuaret se coram Re-
 ge Saule contort se cani mortuo 1. Sam:
 24.15. אחריו טו וכא מלך ישראל אחריו
 מי אתה רדף אחריו כלב מה אחריו פרעוש אחד
 Quem persequeris Rex Israel: quem per-
 sequeris? canem mortuum persequeris,
 & pulicem unum. A Plauto adhibetur
 pro impuro Most: Act: 1. Scen: 1. At te Jupiter
*Dique omnes perdant, oboluisti allium
 germana illuvies rusticus, hircus hara suis
 canes capra commista.* Crebro enim
 hoc nomine insigniuntur illi quorum
 manibus utuntur crudeles homines ad
 experenda suppicia. Ut apud senecam
 in consolatione ad Marciam: cap. 22.
*Acerrimi Canes, quos ille ut sibi uni mansuetos,
 omnibus feros haberet, sanguine humano pasce-
 bat, circumlatrare etiam hominem, & illum
 imparatum incipiunt. Ponitur interdu pro
 sydere Cœlesti quod alio nomine Sirius*

appellatur ut Apud Virgil. Lib. I. Geog.
Averso canis occidit astro

Nonnunquam pro genere compedium
 vel vinculi ferrei, unde apud Plautum
 cat. Act. 2. sc. 6 Canem ferre est vincutum
 esse, quæ omnes significaciones à pro-
 posito nostro alienæ sunt. Nos vero
 ad propositum nostrum eam accom-
 modamus significacionem, qua maledi-
 ci & obtrectatores unice veniunt intel-
 ligendi, & hæc est frequentissima unde
 Abisai alloquitur Simei qui violentiam
 linguae in David jaculabatur hoc modo.

למה וקיל חכלב המת הוּא אֶת אָבִי הַמְלָךְ
Quare maledicis canis hic mortuus Domino
meo Regi! 2. Sam: 16. 9 Sic etiam Abner
commonetaeturus Isboseth suorum be-
nefiorum בראש כלב אָבִי אשר לוּהוּרָה וַיַּחֲזַק
חוּט אָעֵשׂ חָסֵד עַמּוּ בֵּית שָׁאוֹל אָבִיךְ אֶל
אָחָיו וְאֶל טְרֻחוֹ וְלֹא הַמְצִיחַ בָּרוֹד וְרוֹד
Nunquid caput canis ego sum adversus
*Judam hostie, qui fecerim misericordi-
 am super domum Saul, patris tui &
 super fratres tuos & proximos ejus &*
non

non tradidi te in manus David. 2. Sam:
3. 8. Huic sensui inservit illud Ho-
ratii

*Quid immerentes hospites vexas
Canis, Ignarus adversus lupos?*

Quo etiam referri meretur illud Sve-
tonii de Vespasiano cap. 13. *Qui Demetri-
um Cynicum in itinere obvium sibi post da-
mnationem neque affurgere neque salutare
dignantem, oblatrantem etiam nescio quid, sa-
tis habuit Canem appellare.* Canis itaque
nominari meruit noster Zoilus ob im-
pudentiam, qvam mordaci ore in opti-
mum qvemque evomere solebat, eam
ob causam etiam Diogeni Cynico assi-
gnatur; qvi utpote omnibus sua impu-
dentia peperit molestiam, neminem
enim præ se hominem putavit. Ubi do-
mum nitidam & magnificè instructam
intravit, & ipsi prohibebatur ibi spue-
re, longo screatu collectum sputum ho-
spiti in faciem conjecit: *detersorem locum*
ubi spueret se non invenisse dicens: Laert:
Lib: 6 Sic eodem teste, Plato iplum

canem appellabat, etiam pueri ipsum circumstrepentes dicere solebant: *Cavebimus ne mordeat nos*, quibus ille non detrectans nomen: *bono inquit estote animo filiole canis betis non vescitur*. dicebat enim canem se esse laudatorum viorum, laudantium neminem secum ad venandum exire audere La: Lib: 6. Hujus sepulchrum inter Isthmiaca eminet, in quo canis figuratus appetet clunibus erectus, insidens cum hac quaestione & responsione ut & Comes Königs-mgrk suis oculis vidit dum Corinthum occupavit Anno 1686 die 27 Septembris.

ΕΙΠΕ ΚΤΩΝ ΑΝΔΡΟΣ

ΕΦΕΣΙΩΣ ΣΗΜΑ ΦΥΛΑΣΣΕΙΣ

ΤΟΥ ΚΤΝΟΣ ΔΛΛΑΤΙΣ ΗΝ ΟΥΤΟΣ

ΑΝΗΡ Ο ΚΤΩΝ

ΔΙΟΓΕΝΗΣ ΓΕΝΟΣ ΕΙΠΕ ΣΙΝΟΒΕΤ

ΟΣ ΠΙΘΟΣ ΟΙΚΕΙ ΚΑΙΜΑΛΑ ΝΤΝΔΕ

ΘΑΝΩΝ ΛΣΤΕΡΛΣ ΟΙΚΟΝ ΕΧΕΙ.

Sed & tale fuisse prohibetur.

Dio-

Διόγενες ἄγε λέγε τίς ἔλαβέ σε μόνον
Εἰς αὐτὸς ἔλαβέ με κυνὸς ἄγγιος ὕδατος

*Diogenes age loquere, quis exitus ad inferos
Te abstulit abstulitne canis morsus ferox.
Hinc est quod fingunt Poëtæ Hecubam Priami uxorem in canem mutatam esse, propterea quod perulantissima lingua homines conjectari solebat,
quod innuit Plaut. Menech. Act. 5.
Non tu sis mulier Hecubam quapropter canem
Graij esse predicabant!
quia idem faciebat Hecuba, quod tu nunc facis,
omnia mala ingerebat quemquem aspicerat,
itaque adeo jure cœpta appellari canis.*

Rheticus dicitur quia erat Sophista, quod vocabulum statim ab initio quo usurpari cœptum est, honestum & dignationis plenum habebatur, eoque intelligebantur sapientes, & artium periti, utpote Theologi, Medici, Jurisconsulti, Musici, Poëtæ & omnes Philosophi: qui, cum magis gloriæ lucro & fallaciis quam veritati stude-

debant, abit in odium & contumeliam, ideoque Sophista nuncupari infame erat.

Accedimus tandem ad habitum Zoili, qui tam corporis quam vestitus cultu insignem impudentiam præ se ferrebat, barbam enim (ut ductum Ælianii sequamur) promissam alebat, unde apparet manifesto, quam terribilis & torvus qua faciem fuerat. Sic Corn: Ne pos in vita Datamis cap. 3 truculentiam Thyi Dynastæ Paphlagoniæ dictus, meminit eum habuisse prolixam barbam. Præterea caput usque ad cutem radebat ut dicit Ælianus hinc etiam constat, quod dedita opera omnibus formidabilis & odiosus esse voluerit, non parum enim deformitatis adfert calvitium, quod ab antiquis pro contumelia habebatur, unde Chrysippus affectus convitio à calvo quodam inquit: σὲ μὲν δικ ὁ βόστω τὸς δὲ τρίχας ἐπινήσω ὅπις κακὸν ἐξέφυγον κράνιον: Tibi quidem contumeliam non dico, sed capillos tuos lau-

laudabo, quod improbum caput refugerint.
 Quæ calvities in Zoilo tanto odiosior
 habenda, quod non sua sponte ca-
 piti accesserit, sed rasura petulanter
 fuerit accersita. Amictus ejus ab au-
 ëtore nostro in hunc modum descri-
 bitur, pallium supra genua pendebat Le-
 pidus iatis vestitus indicat haud perple-
 xe prostitutam levitatem; ex habitu enim
 externo tam incomto, tamque horri-
 do, difficiles & fastidiosos ejus mo-
 res conjicere licet, cum ex habi-
 tu præcipue gentes cultæ & barbaræ
 dignoscantur. Supra modum itaque
 Zoilus morosus erat, is enim moro-
 sus est, qui nimis exactè nimisque
 ad unguem fieri omnia postulat, ut
 aliquando ob id indignetur, qualis
 oppido erat Zoilus, studiosus enim ma-
 le loquendi serendis litibus operam sedulo
 dabat: contumeliosus denique ad reprehen-
 siones proclivis erat miser ille, qui non
 tam veritatis studio quam maledicen-

:6: & 22 & :6:

di libidine ductus optimis viris ob-
trectavit: interrogatus à viro quodam
Erudito quamobrem omnibus male
loqueretur? *quoniam inquit male*
facere cum velim non
possum.

SOLI DEO GLORIA.



IN ZOILUM;

A VIRO, JUVENE,

*Solidioris Literaturæ encomio, morumque po-
litiorum gratia commendabili,*

DN. CHRISTIANO
WALSTENIO,

egregie depictum.

Hos Sophiæ mastix cultos pervol-
ve labores

Atque characterem Zoile disce tuum
Non secus ac canibus, præceps auda-
cia cum sit,

Usque tibi: inde canis nomen & o-
men habes:

Omnes quippe bonos infestas dente
voraci

Convitiisque tuis stringis ubique la-
trans.

Sed mores istos quando hæc castigat
Opella,

Mores mutabis, non canis esse vo-
lens.

Alludit

JOH. WANÆUS.

N.38

2007 6148